

四庫全書

史部

欽定四庫全書

御批資治通鑑綱目卷四十四下

丁酉二載考異

按天寶十五載下分注肅宗皇帝至德元載此年歲首當大書肅宗皇帝至德二載

蓋傳錄闕漏據睿宗即位於中宗景龍四年六月歲首分注睿宗皇帝景雲元年而次年大書睿宗皇帝景雲

二年此則當於二載之上考證當書肅宗皇帝至德於二載之上○謹按姚氏

曰睿宗景雲二年下分注玄宗先天元年明年始大書玄宗明皇帝開元元年至天寶十五載下分注肅宗至

德元載明年惟書二載未嘗大書肅宗皇帝至德為無始故今於二載上加肅宗皇帝至德使得上同於開元矣

書法

睿宗二年大書睿宗皇帝景雲二年正始也於是而大書曰肅宗皇帝至德二載恒也其

不書何識也何識識始之不正也始無所受其不正也甚矣綱目不從睿宗例書之所以病之也

春正月上皇以李麟同平章事命崔圓赴彭原質實

彭原

郡名注見上  
元元年寧州

書法

於是上皇既稱太上皇改制為誥矣而又以李麟同平章事誠有所不得已也然則靈武

之遽並  
可憾矣

○安慶緒殺祿山

祿山自起兵以來目漸昏至是不復睹物又病疽性並躁暴左右使令小不如意動加箠撻或時殺之嚴

莊雖貴用事亦不免篡捷閹豎李猪兒被捷尤多左右人不自保既而嬖妾生子慶恩欲以代慶緒慶緒謂莊謂之曰事有不得已者時不可失慶緒從之又謂猪兒曰汝不行大事死無日矣猪兒亦許諾莊與慶緒夜持兵立帳外猪兒執刀直入帳中斫祿山腹祿山捫枕旁刀不獲曰必家賊也遂死莊宣言祿山腹疾亟立慶緒為太子襲偽號尊祿山為太上皇然後發喪慶緒性昏懦言辭無序莊不令見人慶緒日縱酒為樂兄事莊以為御史大夫事無大小皆取決焉

### 書法

不書弑賊之也凡蠻夷盜賊書殺不書弑故太子臨書謀殺莽安慶緒書殺祿山史朝義

書殺思明臣不臣故子不予也綱目之脩君臣之分而已矣

### 發明

祿山以臣反君故有子禍之報天道昭昭固已甚明綱目於此書殺而不書其父者祿山

既不君其君亦安能復子其子哉然而不書誅者則以慶緒殺之故耳狂胡反逆罪惡滔天曾不再期其子屠之不啻狗彘亂臣賊子盍亦以是少警哉

# 殺建寧王倓

上謂李泌曰廣平為元帥踰年今欲命建寧專征又至勢分立廣平為太子何如對曰戎事交切須即區區即位之意耶泌出以告廣平王淑妃入固辭曰陛下未奉晨昏臣何心敢當儲副上賞慰之李輔國本龍小兒粗闇書計上委信之輔國外恭謹而內狡見張良娣有寵陰附之建寧王倓數於上前詆訐二人罪惡二人潛之曰倓恨不得為元帥謀害廣平王上怒賜倓死於是廣平王淑妃內懼謀去輔國及良娣泌曰王不見建寧之禍乎但盡人子之孝良娣婦

人委曲順之亦何能為胡氏曰肅宗為太子厄於林甫二十年其憤惟危困多矣親見其父惑於宦女聽讒殺子曾不知戒方在播越巨寇猶存已襲危亡之迹其所以克取舊物者得非天未厭唐而忠賢是賴乎不然無自而集覽飛龍小兒輔國本出自飛龍廐有興復之理也故云然飛龍注見去年閑廐馬

質實

良娣女官名注見漢昭帝元平元年  
陛下注見漢光武建武二十七年

書法

書殺殺無罪也上書安慶緒殺祿山天未絕於唐也而下有此書肅宗之闇如此唐之興

復幸  
矣哉

發明

是時兩京覆沒社稷為墟肅宗既乘危自立正宜卧薪嘗膽克清大慙庶可功過相補而

乃寵信嬖倖溺愛衽席聽信讒邪而殺其子重尋覆車之轍其不遂至滅亡者幸爾建寧之元書殺

書爵可  
哀也矣

# 帝如保定

上聞安西北庭及拔汗那大質實安西鎮名注見高宗永淳元年北庭

食諸國兵至涼鄯乃幸保定鎮名注見齊明帝建武四年高昌大食西域國名注見玄宗開元三年涼鄯二州名涼注見漢光武建武十年武威鄯注見漢光武建武元年康四年涅中保定縣名注見漢光武建武元年安定

# 史思明等寇太原李光弼擊破之

史思明等引兵十萬寇太原李光弼麾下精兵皆赴朔方餘衆不滿萬人諸將皆懼議脩城以待之光弼曰太原城周四十里賊垂至而興役是先自困也乃帥士民於城外鑿壕以自固作塹數十萬衆莫知所

用及賊攻城光弼用以增壘城壞輒補月餘不下思  
明乃選驍銳為遊兵戒之曰我攻其北則汝潛趣其  
南有隙則乘之而光弼軍令嚴整雖寇所不至警邏  
亦不少懈賊不得入光弼募軍中有小技皆取之人  
盡其用得錢工三善穿地道賊為梯衝土山以攻城  
光弼為地道以迎之近城輒陷又作大礮飛巨石一  
發輒斃二十餘人賊死者什二三乃退營於數十步  
外光弼遣人詐為約降而穿地道周賊營中至期遣  
裨將將數千人出如降狀賊皆屬目俄而營中地陷  
死者千餘人賊眾驚亂官軍鼓譟乘之俘斬萬計會  
安祿山死慶緒使思明歸守范陽留蔡希德等  
圍太原光弼復出擊之斬首七萬希德遁去

集覽

礮軍戰石也張晏曰范蠡兵法飛石重十二  
斤為機法行三百步礮蓋起此字俗作砲

賊將尹子奇寇睢陽張巡入睢陽與許遠拒却之



安慶緒以子奇為河南節度使子奇以歸檀兵十三萬趣睢陽許遠告急於張巡巡自寧陵引兵入睢陽巡有兵三千人與遠兵合合六千八百人賊悉眾逼城巡督勵將士晝夜苦戰一日或二十合凡十六日擒賊將六十餘人殺士卒二萬餘眾氣自倍遠謂巡曰遠懦不習兵公智勇兼濟遠請為公守請公為遠戰自是之後遠但調軍糧脩戰具居中應接而已戰鬪籌畫一出於巡賊遂夜遁

集覽

歸檀二州

俱隸  
質實

歸檀二州名歸未詳沿革  
檀注見中宗嗣聖十五年

# 郭子儀平河東賊將崔乾祐敗走

初郭子儀以河東居兩京之間扼賊要衝得河東則兩京可圖時賊將崔乾祐守之子儀潛遣人入河東與唐官陷賊者謀俟官軍至為內應子儀引兵趣河東司戶韓旻等翻城迎官軍乾祐踰城得免發城北

兵拒官軍子儀擊之斬首四千級遂平河東

## 平盧節度使劉正臣卒

為安東都護王玄志所醜也

質實

平盧節度使注見代宗大歷十年安東都護注見漢武帝元封

二年朝鮮

## 二月帝至鳳翔

上至鳳翔旬日隴右河西安西西域之兵皆會江淮庸調亦至長安人聞車駕至從賊中自振而來者日夜不絕李泌請如前策遣安西西域之衆並塞東北取范陽上曰今大衆已集當乘兵鋒擣其腹心而更引兵東北數千里先取范陽不亦迂乎對曰今所恃者皆西北及諸胡之兵性耐寒而畏暑若乘其新至

之銳攻祿山已老之師其勢必克兩京然春氣已深  
賊歸巢穴關東地熱官軍必困而思歸伺官軍之去  
必復南來然則征戰之勢未有涯也不若先用之於  
寒鄉除其巢穴則賊無所歸根本永絕矣上曰朕切  
於晨昏之戀不能待此決矣胡氏曰事有大小緩急  
之序不知而例置之不可言智知而逆施之不可言  
仁肅宗初從李輔國大孝之言舍上皇而西行矣今  
大計未就復念宸昏寧棄遠猷而不用則欲速見小  
利之過也然此計非獨李泌言之顏杲卿郭子儀李  
光弼四人所見蓋不約而同也杲卿既不幸敗死而  
肅宗復不能用質實西域國名注見漢  
三人之謀惜哉  
哀帝元壽二年

## 慶緒使史思明守范陽

慶緒以史思明為范陽節度使先是安祿山得兩京  
珍貨悉輸范陽思明擁強兵據富資益驕橫浸不用

慶緒之命慶緒不能制

書法

賊偽署官多矣不書書守范陽何恨泌策之不行也泌之所先攻賊之所先守矣書曰使

思明守范陽  
深惜之也

# 江南採訪使李成式討永王璘璘敗走死

成式與河北招討官李銑合兵討璘李廣琛呂諸將謂曰吾屬從王至此天命未集人謀已隳兵鋒未交尚及早圖去就不然死於鋒鏑永為逆臣矣諸將皆然之於是廣琛以麾下奔廣陵璘黨皆散憂懼不知所出成式將趙侃等濟江璘兵遂潰璘奔鄱陽江西採訪使皇甫旆遣兵擒殺之

質實

鄱陽郡名

注見梁武帝太清元年江西道  
名注見梁孝元帝承聖二年

書法

璘書反矣書討宜也於是皇甫僊擒璘殺之不書伏誅何帝有嫌也故再書討以正謀保

江表之罪不書誅以致趣取大物之譏

三月韋見素裴冕罷徵苗晉卿為左相質實

苗晉卿壺關人

上皇遣中使祭始興文獻公張九齡

上皇思張九齡之先見為之流涕遣中使至曲江祭之厚恤其家胡氏曰李觀有言使管仲而不死雖內嬖六人庸何傷君子非之曰未有蠱其心於女色而又能盡其心於賢者也於明皇見之矣明皇忽九齡之言及身履危亡而後思之亦奚及哉正使卿也用九齡言禍亂不自范陽可耳太真在宮林甫在朝九齡必見逐殺一祿山生一祿山亦無救於播遷之禍是故太平之君惟無欲然後能持盈而守成也

集

覽

張九齡之先見開元中祿山討奚契丹敗績九齡曰祿山狼子野心且有逆相宜即事誅之玄宗不

聽至曲江祭之九齡家在曲江故於曲江致祭焉曲江縣隸廣東始興郡按始興今韶州是杜甫故相國張公詩相國生南紀注師尹曰韶州正嶺徼甌越之地在江漢以南故曰生南紀王洙曰九齡父為韶州別駕因家始興今為曲江人李靚字泰伯時江南城縣人仕于宋嘗著周禮禮論五十篇禍亂不自范陽可耳謂有此女子與小人不能免其**正誤**禍亂不自禍亂若禍亂不起於范陽則尚庶幾**正誤**范陽可耳今按張九齡言祿山失律喪師不可不誅且其貌有反相不殺必為後患故胡氏論正使明皇用九齡言而殺祿山但可免范陽之亂耳太**質實**始興郡名注真在宮林甫在朝亦必致亂也見晉愍帝建興三年曲江按一統志漢之縣名屬桂陽郡吳為始興郡治隋廢郡以縣屬南海郡又廢潯陽縣入焉唐

於縣置番州貞觀初改韶州又以臨龍良化二縣省入宋元俱仍舊至本朝因之為韶州府治所仍屬焉  
內嬖六人左傳齊桓公多內寵如夫人者六曰長衛姬少衛姬鄭姬葛嬴密姬宋華子事見說苑

書法

書惜之也曷為惜之惜其晚也故樊豐敗而後祠楊震漢陽帝永寧四年宦者敗而後祭

陳竇漢靈帝中平六年遼水敗而後祀魏徵太宗貞觀十九年祿山反而後祭九齡是年皆事後之

思也然則祀魏徵書姓名此其書爵諡何予賢也九齡之卒以長史書於是爵諡既正故特書之終

綱目書祭臣六年  
漢明帝永平二年

發明

無甬東之禍則子胥之諫不驗無淝水之敗則王猛之言不酬太宗思魏徵於伐遼之後

玄宗思九齡於奔蜀之餘忠臣智士為國遠慮而人主常患於忽其言而不用至於禍敗已形則回

思曩日之告如耆龜明鑑毫髮不爽然已無及矣  
豈天固欲以此顯忠賢之先見耶前此九齡之卒  
綱目以荊州長史書之今已十有八年矣向來之  
言無一不驗然玄宗徒能思其爭祿山之事而不  
思九齡於林甫之相爭之尤力故凡天寶之亂雖  
起於祿山其實皆林甫醞釀以成之耳思其一而  
不思其二玄宗猶未為盡知九齡者為何如哉人主觀  
書爵書諡其所以尊敬九齡者為何如哉人主觀  
此其亦聽用忠謀於無事之日  
毋徒思之於有事之後乎吁

### 尹子奇復寇睢陽張巡擊走之

尹子奇復引兵攻睢陽張巡謂將士曰吾受國恩所  
守正死耳但念諸君捐軀力戰而賞不酬勲以此痛  
心耳將士皆激勵請奮巡乃推牛饗士盡軍出戰賊  
望見兵少笑之巡執旗帥諸將直衝賊陣賊乃大潰



明日賊又合軍至城下巡出戰晝夜數十合屢摧其鋒而賊攻圍益急巡於城中夜鳴鼓嚴隊若將出擊者賊聞之達旦徹備既明巡乃寢兵絕鼓賊以飛樓瞰城中無所見遂解甲休息巡與南霽雲雷萬春等十餘將各將五十騎開門突出直衝賊營斬賊將五十餘人殺士卒五千餘人巡欲射子奇而不識剡蒿為矢中者喜謂巡夫盡走白子奇乃得其狀

集覽

剡蒿

為矢剡以冉反銳利之質實南霽雲魏州頓丘人也易繫辭剡木為矢

夏四月以郭子儀為司空天下兵馬副元帥與賊戰于

清溝敗績

初關內節度使王思禮軍武功賊安守忠等攻之兵馬使郭英乂戰不利思禮退軍扶風賊遊兵至大和

關去鳳翔五十里鳳翔大駭上以子儀為司空副元帥子儀將兵赴鳳翔賊李歸仁以鐵騎五千邀之子儀使其將僕固懷恩等伏兵擊之殺傷畧盡安守忠偽遁子儀悉師逐之賊以驍騎九千為長蛇陣官軍擊之首尾為兩翼夾擊官軍大潰子儀退保武功是時府庫無蓄積朝廷專以官爵賞功諸將出征皆給空名告身聽臨事注名有至開府特進異姓王者諸軍但以職任相統攝不復計官爵高下及是復以官爵收散卒由是官爵輕而貨重大將軍告身一通纔易一醉凡應募入軍者一切衣金紫名器之濫至是而極焉范氏曰官爵者人君所以馭天下不可以虛名而輕用也君以為貴而加於君子則人貴之矣若以為賤而施於小人則人賤之矣肅宗欲以苟簡成功而濫假名器輕於糞土此亂政之極也唐室不競不亦貲實關內道名注見玄宗宜哉貲實開元十一年京兆

# 房瑄罷以張鎬同平章事

瑄性高簡時國家多難而瑄不以職事為意日與劉秩李揖高談釋老或聽門客董庭蘭鼓琴庭蘭因是大招權利御史劾之罷為太子少師以鎬同平章事上常使僧數百人為道場於內鎬諫曰帝王當修德以弭亂未聞飯僧可致太平也上然之

# 山南東道節度使魯炆奔襄陽

初賊將武令珣田承嗣攻山南東道節度使魯炆於南陽城中食盡餓死者相枕藉上遣宦官曹日昇往宣慰圍急不得入日昇請單騎入城襄陽太守魏仲犀不許會頗真卿自河北至曰曹將軍不顧萬死以致帝命何為沮之借使不達不過亡一使者達則一城之心固矣日昇與十騎皆往賊不敢逼城中大喜

吳在園中凡周歲晝夜苦戰力竭不能支夜開城帥  
餘兵數千突圍奔襄陽承嗣追之轉戰二日不克而  
還時賊欲南侵江漢賴  
吳扼其衝要南夏得全  
質實  
山南東道節度注見漢  
獻帝建安十二年襄陽  
南陽郡名注見周  
報王十七年宛

### 貶郭子儀為左僕射

子儀詣闕請自  
貶以為左僕射

發明

前書子儀敗績固有罪矣然是時方務含容  
姑息使他人處此必歸罪偏裨以自解惟子

儀必自詣闕請貶故綱目亦正名  
書之若子儀者亦可謂之賢矣

### 六月將軍王去榮有罪敕免死自效

將軍王去榮以私怨殺本縣令當死上以其善用礮  
赦免死以白衣詣陝郡效力中書舍人賈至上表曰  
去榮無狀殺本縣之君而陛下以礮石一能免其殊  
死今諸軍技藝絕倫者甚衆必恃其能所在犯上復  
何以止之若止捨去榮而誅其餘者則是法令不一  
而誘人觸罪也今惜一去榮之材而不殺必殺十如  
去榮之材者其傷不亦多乎夫去榮逆亂之人也焉  
有逆於此而順於彼悖於縣君而不悖於大君歟伏  
惟明主全其遠者大者則禍亂不日而定矣上令百  
官議之太子太師韋見素等議以為律殺本縣令列  
於十惡而陛下寬之則王法不行人倫道屈矣夫國  
無法耶陝郡雖要不急於法而況去榮末  
技又非陝郡之所以存亡邪上竟捨之  
質實  
賈至  
洛陽  
人曾之子十惡注見太宗貞觀十  
四年陝郡注見周顯王四十五年

書法

書有罪譏失刑也是咎也肅宗任之故特書敕

發明

四海分裂兵交怨結若復廢法何用討賊此諸葛孔明誅馬謖之詞也是時逆胡反叛兩

京未復正宜明君臣之義辨逆順之理今王去榮以部將擅殺本縣令罪逆當誅况朝紳論列尤為明切肅宗乃以一礮之能從而赦之是使反逆之徒橫行於天下而君臣上下之分亦不必立矣故綱目於此書有罪書赦免死以深貶之蓋謂之赦免則其咎固在肅宗而非出於他人也嗚呼死罪猶且免之况下於死者乎

秋七月尹子奇復寇睢陽

子奇復徵兵數萬攻睢陽城中食盡將士人廩米日一合雜以茶紙樹皮為食饋救不至士卒消耗至千

六百人皆餓病不堪聞遂為賊所圍張巡乃脩守具  
賊為雲梯勢如半虹置精卒二百於其上推之臨城  
欲令騰入巡預於城潛鑿三穴候梯將至一穴中出  
大木末置鐵鉤鉤之使不得退一穴中出一木柱之  
使不得進一穴中出一木末置鐵籠盛火焚之賊又  
以鉤車鉤城上棚閣巡以大木置連鐐大鐐拔其鉤  
而截之賊又造木驢攻城巡鎔金汁灌之賊又以土  
囊積柴為磴道欲登城巡潛以松明乾蒿投之積十  
餘日使人順風持火焚之巡之所為皆應機立辦賊  
服其智不敢復攻遂于城外穿三重壕立木柵以守  
巡巡亦於其內作壕以拒之士卒死傷之餘纔六百  
人時許叔冀在譙郡尚衡在彭城賀蘭進明在臨淮  
皆擁兵不救城中日蹙巡乃令南霽雲犯圍而出告  
急於臨淮追明愛霽雲勇壯具食延之霽雲泣曰睢  
陽之人不食月餘矣霽雲雖欲獨食且不下咽大夫  
坐擁彊兵曾無分災救患之意豈忠臣義士之所為

乎因嚮落一指以示進明曰霽雲既不能達主將之意請留一指以示信歸報座中皆為泣下霽雲去至寧陵與城使廉坦同將步騎三千人且戰且行至城下大戰壞賊營死傷之外僅得千人入城城中將吏知無救皆慟哭賊圍益急初房琯為相惡進明以為河南節度使而以許叔冀為之都知兵馬使俱兼御史大夫叔冀遂不受其節制故進明不敢分兵非惟疾巡遠功名亦懼為叔冀所襲也胡氏曰進明亦可謂不思矣巡遠危迫我能救之功名獨不在我乎誠有虞於叔冀者直以事理騰牋聽命可也遲疑異悞忠義不立豈不辱乎房琯若知進明不可用則明言於上而廢退之以為才則不當用私惡而委之兵柄操此心以馭人羣**集覽**登道磴丁鄧反與登通飛陞難乎功業之遂矣**登西都賦**曰陵登道而起西壙注登陞級也嚮落一指通鑑考異曰韓愈書張中丞傳云拔所佩刀斷一指血淋漓示賀蘭一座大



驚皆感激為霽雲泣下按柳宗元霽雲碑云自噬其指曰噉此足矣今從舊傳馭人群禮天官以八柄詔王馭羣臣注凡言馭者所以馭而內之於善也莊實予天道篇此乘天地馳萬物而用人群之道也

實

臨淮郡名注見昭宗景福二年泗州

以張鎬兼河南節度使○蔡希德寇上黨執節度使程

千里考異

蔡上漏賊將二字

賊屢攻上黨常為節度使程千里所敗蔡希德復引兵圍之以輕騎至城下挑戰千里帥百騎開門突出欲擒之會救至退還橋壞墜塹中反為希德所擒仰謂從騎曰吾不幸至此天也歸語諸將善為守備寧失帥不可失城希德攻城竟質實

上黨郡名注見周赧王五十三年挑

戰注見漢王邦四年洛陽  
縣名注見周顯王三年

# 九月廣平王俶郭子儀收復西京

上勞饗諸將遣攻長安謂郭子儀曰事之濟否在此  
行也對曰此行不捷臣必死之回紇懷仁可汗遣其  
子葉護等將精兵四千餘人來至鳳翔廣平王俶將  
朔方等軍及回紇西域之衆十五萬發鳳翔俶見葉  
護約為兄弟葉護大喜謂俶為兄至長安城西陳於  
香積寺北澧水之東李嗣業為前軍郭子儀為中軍  
王思禮為後軍賊將十萬陳於其北李歸仁出挑戰  
官軍逐之逼於其陳賊軍齊進官軍却李嗣業曰今  
日不以身餌賊軍無子遺矣乃肉袒執刀大呼奮擊  
殺數十人陳乃稍定於是嗣業帥前軍各執長刀如  
牆而進身先士卒所向摧靡賊伏精騎於陳東欲襲  
官軍之後偵者知之僕固懷恩引回紇就擊盡殺之

李嗣業又與回紇出賊陳後與大軍夾擊自午至酉斬首六萬級賊遂大潰餘衆走入城迨夜囂聲不止僕固懷恩言於廣平王俶曰賊棄城走矣請以三百騎追之縛取安守忠李歸仁等俶曰將軍戰亦疲矣且休息俟明旦圖之懷恩曰戰尚神速何明旦也俶固止之遲明謀至守忠歸仁與張通儒田乾真等皆已遁矣大軍入西京初上欲速得京師與回紇約曰克城之日土地土庶歸唐金帛子女歸回紇至是葉護欲如約廣平王俶拜於葉護馬前曰今始得西京若遽俘掠則東京之人皆為賊固守不可復取矣願至東京乃如約葉護驚躍下馬答拜曰當為殿下徑往東京即與僕固懷恩引回紇西域之兵自城南過營於澹水之東軍民胡虜見俶拜者皆泣曰廣平王真華夷之主上聞之喜曰朕不及也俶整衆入城百姓老幼夾道歡呼悲泣俶留

集覽

葉護回紇俗號太子曰葉護葉失涉

反澧水索隱曰按地志無文而水經以澧水出北地郡直路縣東過馮翔役祠縣入洛十三州志澧水出扶風鄠縣終南山東北過上林苑括地志云澧源出雍州長安縣西南山澧谷中禹貢澧水攸同蔡氏傳曰澧水地質實澧水按一統志澧水源出西安府城志作鄠質實南五十里終南山下合太平高觀谷水東至咸陽縣入于渭詩曰豐水東注維禹之績老子云豐水深十仞而不受塵垢金鐵在中形見于外子遺注見齊主昭業隆昌元年內祖注見漢後主延熙元年運明注見隋文帝仁壽元年漚水注見玄宗

天寶  
二載

## 遣使請上皇還京師

捷書至鳳翔上即日遣中使啖庭瑤奏上皇命左僕射裴冕入京師告郊廟及宣慰百姓召李泌曰朕已

表請上皇東歸朕當還東宮復脩人子之職泌曰上皇不來矣上驚問故泌曰理勢自然上曰為之奈何泌曰今請更為群臣賀表言自馬嵬請留靈武勸進及今成功聖上思戀晨昏請速還京師就孝養之意則可矣上即使泌草表立命中使奉以入蜀因就泌飲酒同榻而寢泌曰臣今報德足矣復為聞人何樂如之上曰朕與先生久同憂慮今方同樂奈何泌曰臣有五不可留願陛下聽臣去免臣於死上曰何謂也對曰臣遇陛下太早陛下任臣太重寵臣太深臣功太高亦太奇此其所以不可留也上曰且眠矣異日議之對曰陛下今就臣榻卧猶不得請況異日香案之前乎陛下不聽臣去是殺臣也上曰不意卿疑朕如此豈朕而辦殺卿邪對曰陛下不辦殺臣故臣求歸若其既辦臣安得復言且殺臣者非陛下也乃五不可也陛下曷日待臣如此臣於事猶有不敢言者况天下既安臣敢言乎上良久曰卿以朕不

從卿北伐之謀乎對曰非也乃建寧耳曰建寧為小  
人所教欲害其兄圖繼嗣朕以社稷大計不得已而  
除之卿不知邪對曰若有此心廣平當怨之廣平每  
與臣言其冤輒流涕嗚咽且陛下昔欲用建寧為元  
帥臣請用廣平建寧若有此心當深憾臣而以臣為  
忠並相親善陛下以此可察其心矣上乃泣下曰先  
生言是也然既往不咎朕不欲聞之泌曰臣非咎既  
往乃欲陛下慎將來耳昔太后有四子長曰太子弘  
天后方圖稱制惡其聰明配殺之立次子賢賢內憂  
懼作黃臺瓜辭冀以感悟天后天后不聽賢亦廢死  
其辭曰種瓜黃臺下瓜熟子離離一摘使瓜好再摘  
使瓜稀三摘猶為可四摘抱蔓歸今陛下已一摘矣  
慎無再摘上愕然曰安有是哉朕當書紳對曰陛下  
但識之於心何必形於外也是時廣平王有大功良  
娣忌而譖之故泌言及之泌復固請歸山上曰侯將  
發此議之其後成都使還言上皇初得上表彷徨不

能食欲不歸及群臣表至乃大喜命食作樂下詔定  
行日上召李泌告之曰皆卿力也胡氏曰鄴侯不事  
肅宗豈但以交友之分難於君臣哉正坐良娣輔國  
表裏相結既無除之之道寧捨相位而隱於山林冀  
君之或思其故而一悟也使得明智之君不待辭之  
畢而深有感於心矣泌反覆數百言而肅宗終不喻  
也於是固請而必去矣為國有九經以勸賢敬大臣  
為重勸賢有四事以去讒遠色為首張后寵於內輔  
國寵於外則賢者必不自保唐室之卑亦可知  
矣烏乎鄴侯亦可謂得出處進退之義者也  
啖庭瑤啖姓音徒敢反與噉通前奏錄有將軍噉鐵  
香案每朝於殿下設香案群臣奏事於其前起居舍  
人二員秉筆  
夾香案分立

郭子儀克華陰弘農

集覽

子儀引蕃漢兵追賊至潼關斬首五千級克華陰弘農二郡獻俘百餘人敕皆斬之李勉言于上曰元惡未除為賊所污者半天下聞陛下龍興咸思洗心實以承聖化今悉誅之是驅之使從賊也上遽赦之質

實

潼關注見漢獻帝建安十六年華陰郡名注見玄宗開元十一年華州弘農郡名注見周顯王四十

五年陝獻俘注見梁武帝大通元年俘馘

# 冬十月尹子奇陷睢陽張巡許遠死之

尹子奇久圍睢陽城中食盡議棄城東走張巡許遠謀曰睢陽江淮之保障若棄之去賊必乘勝長驅是無江淮也且我衆饑羸走必不達古者戰國諸侯尚相救恤况密邇群帥乎不如堅守以待之茶紙既盡遂食馬馬盡羅雀掘鼠雀鼠又盡巡出愛妾殺以食士城中知必死莫有叛者所餘纔四百人賊登城將



士病不能戰巡西向再拜曰臣力竭矣生既無以報  
陛下死當為厲鬼以殺賊城遂陷巡遠俱被執子奇  
問曰聞君每戰皆裂齒碎何也巡曰吾志吞逆賊但  
力不能耳子奇以刀抉視之所餘纔三四并南霽雲  
雷萬春等三十六人皆被殺巡且死顏色不亂生致  
許遠於洛陽巡初守睢陽時卒僅萬人城中居人亦  
且數萬巡一見問姓名其後無不識者前後大小戰  
凡四百餘殺賊卒十二萬人巡行兵不依古法教戰  
陣令本將各以其意教之人或問其故巡曰今與胡  
虜戰雲合烏散變態不恒數步之間勢有同異臨期  
應猝在於呼吸之間而動詢大將事不相及非知兵  
之變者也故吾使兵識將意將識士情投之而往如  
手之使指兵將相習人自為戰不亦可乎器械甲杖  
皆取之於敵未嘗自脩推誠待人無所疑慮臨危應  
變出奇無窮號令明賞罰信與衆共甘苦寒暑故下  
爭致死力張鎬聞睢陽圍急倍道亟進且檄譙郡太

守閭丘曉救之曉不受命鎬至睢陽城已陷三日矣鎬召曉杖殺之

書法

巡遠之死與時異地此其並書之何解惑也

時巡子去疾已有異議矣李翱傳巡事復不及遠焉綱目等而書之所以破千載之惑也

發明

張巡死節表表在人無可言者然許遠生致洛陽而綱目已書其死者遠雖不死於睢陽

然未幾亦死於偃師故綱目等而書之則見其均為死節之臣耳固不可以先後而異其觀也

## 廣平王俶郭子儀等收復東京

張通儒等收餘衆走保陝安慶緒悉發洛陽兵使嚴莊將之就通儒以拒官軍步騎猶十五萬子儀等與賊遇於新店賊依山而陳子儀等初與之戰不利回紇自南山襲其背於黃埃中發十餘矢賊驚顧曰回

紇至矣遂潰官軍與回紇夾擊之賊大敗走僕固懷恩等分道追之慶緒帥其黨走河北殺所獲唐將哥舒翰程千里等三十餘人而去許遠死於偃師廣平王淑入東京回紇縱兵大掠意猶未厭淑患之父老請率羅錦萬匹以賂回紇回紇乃止范氏曰肅宗欲復唐室苟求天下之賢而與之共天下之功因民之心以討暴逆則何患乎賊之不滅哉而唐之人主好結戎狄以求援肅宗尤務欲速不為遠謀至使諸胡縱掠與賊無異其失民也不亦甚乎昔武王伐商有微盧彭濮皆以中國之師制之使為犄角之助而已若與之共事而倚以成集覽偃師括地志云偃師隸功則未有不為患者也河南按盤庚治亳殷鄭玄曰治於亳之殷地故號亳殷皇甫謐曰今偃師縣是微盧彭濮書牧誓庸蜀羌髳微盧彭濮注八國皆蠻夷戎狄屬文王者國名左傳庸與百濮伐楚庸濮在江漢之南羌在西蜀髳微在巴蜀盧彭在西北

質實

南山注見周安王十五年伊闕偃師按一統志帝嘗所都之地名商有三亳成湯居西亳即此

後盤庚亦徙都於此改號曰殷周武王伐紂還息偃師徒遂以為名秦屬三川郡漢始置偃師縣屬河南

郡新莽改師成東漢復舊晉省入洛陽隋復置唐宋元俱仍舊本朝因之改屬河南府

發明

觀收二京回紇之力為多然綱目畧無一詞及回紇者何哉夫以狂胡肆逆宮闕為墟肅

宗苟能痛心疾首選任忠賢因人心之感憤仗大義以討賊則亦何患克復之難夫何慮之不精乃求欲速之功借助回紇遂使逆賊方遁遽已縱虜肆掠重為民害則是中國反聽命於夷狄而收復之舉為無人矣故綱目止書廣平王及子儀而不書回紇者一則尊中國二則抑夷狄三則不予回紇之有其功四則戒後世不得與異類共事也書法若此其為斯世慮豈不深且遠哉

# 李泌歸衡山

泌求歸山不已上固留之不能得乃聽歸質實衡山按一

衡山較郡縣為築室於山中給三品料衡山統志在衡州府衡山縣西三十二里五嶽之一也寰宇記云宿當翼軫度應機衡故曰衡山舜南巡狩至于南嶽周職方氏荊州之鎮曰衡山即此山盤繞八百里有七十二峰十洞十五巖三十八泉二十五溪九池九潭九井而峯之最大者五曰祝融紫蓋雲密石廩天柱惟祝融為最高

發明

泌在憂患中陳謨獻策補益恒多時方收復兩京遽請還山不少遲緩蓋必有不足於中

故也肅宗於此不能深思默省反求諸已乃欲強挽之留宜乎去之愈力綱目書此不特惜泌之去亦以譏肅宗之不悟耳夫去讒遠色乃勸賢之首務先儒固已論此肅宗寵張良娣任李輔國莫親

於愛子且猶殺之况賓友乎此泌之所以必去也噫

帝發鳳翔遣韋見素奉迎上皇○郭子儀遣兵取河陽

及河內質實

河陽縣名注見昭宣帝天祐二年孟縣

○嚴莊來降以為司

農卿考異

嚴上漏賊將二字

胡氏曰嚴莊既同祿山叛君又教慶緒殺父天下之罪尚有大大於此者乎既受其降又官之則當時亂臣賊子又何必討斯舉也

殆猶推波而助瀾歟

書法

史思明降封王為節度不書書嚴莊司農何譏也祿山之反莊實導之非他從賊者比矣

况又與聞慶緒之逆乃大慙也既不

能誅而又官之其失大矣書病唐也

陳留人殺尹子奇舉城降考異

殺當作誅質實

陳留郡名注見周顯王二

十九年大梁

○帝入西京上皇發蜀郡考異

按巡幸例曰帝至某據上書帝

發鳳翔此入字當作至

上入西京百姓出國門奉迎二十里不絕舞躍呼萬歲有泣者上入居大明宮御史中丞崔器令百官受賊官爵者皆脫巾徒跣立於含元殿前頓首請罪環之以兵使百官臨視之太廟為賊所焚上素服向廟哭三日是日質實大明宮注見太宗貞觀八年含元殿注見憲宗元和十四年宣政殿

蜀郡注見晉武帝泰始八年益州

書法

上皇書還西京此其書入何還者故嘗主之辭也入者自外而主之辭也前未嘗書

出此回不得  
以還書也

安慶緒走保鄴郡質實

鄴郡注見漢元帝建昭二年魏郡

慶緒走保鄴步騎不過千餘人旬日間蔡希德自上黨田承嗣自潁川武令珣自南陽各帥所部兵歸之又召募河北諸郡人衆至六萬軍聲復振

以甄濟為秘書郎蘇源明知制誥

廣平王俶之入東京也百官受安祿山父子官者陳希烈等三百餘人皆素服悲泣請罪俶以上旨釋之尋勒赴西京崔器令詣朝堂請罪如儀然後收繫大理初汲郡甄濟有操行隱居青巖山安祿山為採訪使奏掌書記濟察祿山有異志詐得風疾昇歸家祿山反使蔡希德引行刑者二人封刀召之濟引首待



欽定四庫全書

衛批資治通鑑紀事本末  
卷四十四下

子

刃希德以實病白祿山乃免後慶緒亦使彊昇至洛陽會官軍平東京濟起詣軍門上謁俶遣詣京師上命館之於三司令受賊官爵者列拜以愧其心以濟為秘書郎國子司業蘇源明亦稱病不受祿山官上擢為考功郎中知制誥制士庶質實青巖山按一統志在衛輝府淇縣西南三十一里上有水廉洞唐甄濟嘗隱于此

書法

秘書郎知制誥未有書者此其書何賞忠也故特書之

發明

人之所以為人者以其知有君臣父子之義也若食君之祿任君之事一旦變出乎前遽

反君而臣賊則狗彘之不若矣甄濟在唐以操行著稱為時聞人祿山之亂守節不污當其引首待刃之時寧預知不死以俟唐之克復哉安於義命所惡有甚於死者耳彼陳希烈之徒析圭儋爵立

人之朝既無扶顛持危之功又無仗節死義之守  
甘事逆胡醜然無耻原其本心特欲偷生苟免不  
失所有而已豈知復有素服悲泣之時哉詣朝請  
罪收繫大理猶未已也又使列拜死節之士以愧  
其心然後六等定罪誅誅流放則是生死皆可羞  
耻其罪著矣當是之時雖欲再死于賊亦不可得  
綱目書以甄濟為秘書郎文無美詞亦以濟之所  
為固士君子之所當為者若以甄濟為特異則希  
烈等罪亦可少從末減矣此正書法之深意也後  
之君子不幸而處事變之際者盍亦知所擇哉

### 宴回紇葉護於宣政殿

葉護自東京還上命百官迎之與宴於宣政殿葉護  
奏以軍中馬少請留兵沙苑自歸取馬還為陛下掃  
除范陽餘孽上賜而遣之以葉護為忠義集覽餘孽  
王歲遺回紇絹二萬匹使就朔方軍受之

欽定四庫全書

卷四十四下

三

也中庸必質實

有妖孽

宣政殿注見憲宗元和十四年沙苑注見梁武帝大同三年朔方郡名注

見漢武帝元朔元年范陽郡名注見漢帝立更始二年涿郡

書法

書於宣政殿何傷之也曷為傷之國門外其人也終綱目書宴十六許漢高帝五年書宴

疊夷者一而已矣

朝享於長樂殿

上在彭原更以粟為九廟主至是朝享於長樂殿集覽

更以粟為九廟主更易也主謂神主也自

古天子七廟立宗開元十年增太廟為九廟過其制笑何休曰虞主用桑練主用栗桑者猶喪也期年而祭謂之練乃易用栗木為主取其戰栗也神主注見漢光武建武二年朝享鄭立曰禮人君每月朝於廟

有祭謂質實彭原郡名注見上元元年  
之朝享寧州長樂殿未詳處所

## 十二月上皇還西京

上皇至鳳翔命悉以甲兵輸郡庫上發精騎三千奉迎胡氏曰父子天性也大利所在嫌疑生焉上皇不以甲兵自隨其慮深矣肅宗之迎之也當威威儀備物采何必發精騎邪既啓其端於是有露刃而劫遷者興慶之不獲安其居辟穀之不得考其死漸生于是矣○上皇至咸陽上備法駕迎於望賢宮上皇在宮南樓上著紫袍望樓下馬趨進拜舞於樓下上皇降樓撫上而泣索黃袍自為上著之上伏地頓首固辭上皇曰天數人心皆歸於汝使朕得保養餘齒汝之孝也上乃受之上皇不肯居正殿上自扶登殿尚食進食嘗而薦之將發行宮上親為上皇習馬而進之執鞭行數步上皇止之上乘馬前引不敢當馳道

上皇謂左右曰吾為天子五十年未為貴今為天子  
父乃貴耳入御舍元殿慰撫百官乃詣長樂殿謝九  
廟主慟哭久之即日出居興慶宮上累表請避位還  
東宮上皇不許以傳國寶授上上始涕泣受之范氏  
曰肅宗不由君父之命而有天下至是而屑屑然為  
末禮以眩耀於眾豈其誠乎臨危則取大利居安則  
謹小節以是為  
孝亦已悖矣  
**集覽** 露刃而刼遷者上皇愛興慶宮  
國將射生手露刃遮道奏曰以興慶宮湫隘刼上遷  
居西內辟穀之不得考其死上皇自遷西內因不茹  
常辟穀不食浸以成疾而崩是不得考終命也辟穀  
注見宋主義符景平元年馳道注見秦始皇二十七  
年  
**質實** 法駕注見漢  
高后八年

**書法**

於是帝累表避位請還東宮不書削之  
也其削之何以為不近於情而已矣

# 赦天下

上御丹鳳樓赦天下惟與安祿山同反及李林甫王鉞楊國忠子孫不在免例以禮部尚書李峴兵部侍郎呂諲與御史大夫崔器共按陳希烈等獄峴以李栖筠為詳理判官栖筠多務平恕故人皆怨諲器而峴獨得質實

李峴吳王恪孫世居京兆呂諲河東人

立廣平王俶為楚王考證

立當作徒

質實

楚州名注見宋孝武帝大明三年山

陽 ○加郭子儀司徒李光弼司空功臣進階賜爵有差

## ○追贈死節之士

李愬盧奕顏杲卿袁履謙許遠張巡張介然蔣清龐堅等皆加追贈官其子孫戰亡之家給復三載議者

或罪張巡以守睢陽不去與其食人曷若全人其友  
人李翰為之作傳表上之曰巡以寡擊衆以弱制強  
保江淮以待陛下之師其功大矣且巡所以固守者  
以待諸軍之救也救不至而食盡既盡而及人豈其  
素志哉設使守城之初已有食人之計損數百人以  
全天下臣猶曰功過相掩况非其素志乎衆議由是  
始息

蠲來載租庸三分之一○復郡名官名○上上皇尊號

○以良娣張氏為淑妃質實

淑妃事物紀原云婦官名魏明帝所置齊永明中有

司奏淑妃舊擬九棘以淑為溫恭之稱  
妃為亞后之名進同貴妃加比三司

書法

淑妃立不書書張氏何志亂始也

○史思明高秀巖各以所部來降考異

史上漏賊  
將二字

安慶緒之北走也其大將李歸仁及精兵數萬人皆潰歸范陽慶緒忌思明之彊遣阿史那承慶安守忠往徵兵因密圖之判官耿仁智說思明曰大夫所以盡力於安氏者迫於凶威耳今唐室中興天子仁聖大夫誠帥所部歸之此轉禍為福之計也裨將烏承玘亦曰慶緒葉上露耳大夫奈何與之俱亡思明以為然承慶守忠以五千勁騎自隨至范陽思明引入內廳樂飲別遣人收其甲兵諸郡兵皆給糧縱遣之囚承慶等遣其將實子昂奉表以所部十三郡及兵八萬來降河東節度使高秀巖亦以所部來降上大喜以思明為歸義王范陽節度使遣內侍李思敬與烏承恩往宣慰使將所部兵討慶緒承恩所至宣布詔旨滄瀛安深德棣等州皆降集覽烏承玘烏姓雖相州未下河北率為唐有矣



實

滄瀛安深德祿。六州名滄注見晉穆帝永和六年瀛注見漢帝玄更始二年河間安注見太宗貞觀

元年深注見穆宗長慶二年下博德注見陳宣帝大建八年安德祿注見宋明帝泰始三年樂陵河東郡

名注見漢獻帝建安七年相州注見漢元帝建昭二年魏郡

## 制陷賊官以六等定罪

崔器呂諲上言諸陷賊官背國從偽准律皆應處死李峴以為賊陷兩京天子南巡人自逃生此屬皆陛下親戚或勲舊子孫今一槩以叛法處死恐乖仁恕之道且河北未平群臣陷賊者尚多若盡誅之是堅其附賊之心也上從峴議以六等定罪重者刑之於市次賜自盡次杖一百次三等流貶斬達奚珣等十八人陳希烈等七人賜自盡上欲免張均張珣死上皇不可上叩頭流涕曰臣非張說父子無有今日若

不能活均均死何面目見說於九泉上皇曰均為汝  
長流嶺南均為賊毀吾家事決不可活上泣而從命  
項之有自賊中來降者言群臣在鄴者聞赦希烈等  
皆自悼恨失身賊庭及聞希烈等誅乃止上甚悔之  
司馬公曰為人臣者策名委質有死無貳希烈等或  
貴為卿相或親連肺腑承平之日迎合取容禍亂既  
作偷生苟免至乃媚賊稱臣為之陳力此乃犬馬之  
不如儻更全其首領是諂諛之臣無往而不得計也  
彼顏杲卿張巡之徒世治則擯斥外方沈抑下僚世  
亂則委棄孤城壘粉寇手何為善者之不幸而為惡  
者之幸待忠義之薄而保姦邪之厚邪六等議刑斯  
亦可矣又何悔焉胡氏曰張說父子於太子固有保  
護之功然其計得行則由上皇之慈也今肅宗以生  
生之恩專歸說均而上皇無預焉豈不悖天理歟古  
之明君不賞私勞不罰私怨蓋不以一身而害天下  
之公義也為肅宗者正均均之罪而為說置後其庶

幾集覽

東名委質注見周威烈王二十三年委質肺

其才力也壘粉冠手為寇賊所殺也凡醢醬所和細切為壘也粉謂碎之也言判斷之如此

### 置左右神武軍

置神武軍取元從子弟充其制皆如四軍總謂之北牙六軍又擇善騎射者千人為殿前射生手分左右

廟號曰英武軍

集覽

元從子弟初唐高祖以義兵起太原已定天下悉罷遣歸其願留宿衛者三萬

餘人號元從禁軍

### 故妃韋氏卒

書法

故妃耳何以書離不以罪也故錄之終綱目卒妃妾四詳玄宗開元二十五年惟此無譏

焉

戊戌乾元元年春正月上皇加帝尊號帝復上上皇尊號

書法

堯舜禹湯名而已未有號也至周而後有諡則既沒而後諡其行耳然猶以為臣子不敢

議其君於是稱天以諡之未有生存而為是虛美者此末世臣子之謫也今也以父而加尊號於其子則肅宗無乃有幾微之不可掩者歟至此有可悲者矣故書病之

○二月以李輔國兼太僕卿考異

按凡例宦者除拜加宦者字此以字上漏

宦者二字考證當加宦者於李輔國之上

輔國依附張淑妃勢傾朝野

書法

李輔國何宦者也宦者有為將軍者矣未有為卿者也自是而書為兵部尚書書為司空

兼中書令至進爵為博陸王極矣不至於書盜殺不止也

賊將能元皓舉所部來降○大赦改元

盡免百姓今載租庸復以載為年

書法

非始建國不書改元此書改元何譏也何譏肅宗至是三赦矣即位嘗大赦常事也故不

書上皇還西京又赦以為非常宜赦也故書至是未兩月又以改元赦不已數乎書曰大赦改元譏

在數赦不在改元也

三月徙楚王儼為成王質實

成州名注見漢獻帝建安二十三年下辨

○立

淑妃張氏為皇后○夏四月新主入太廟○五月停採  
訪使改黜陟使為觀察使○張鎬罷

張鎬性簡澹不事中要聞史思明請降上言思明凶險因亂竊位人面獸心難以德懷願勿假以威權又

言滑州防禦使許叔冀狡猾多詐臨難必變請徵入宿衛時上已寵納思明會中使自范陽及白馬來皆

言思明叔冀忠懇可信上以鎬集覽中要中謂中人為不切事機罷為荊州防禦使

權勢質實  
滑州注見隋恭帝皇泰二年中使注見玄宗開元十五年白馬縣名注見漢獻帝建

安五年荊州注同上十三年南郡

立成王俶為皇太子更名豫

張后生興王侶纔數歲欲以為嗣上疑未決從容謂知制誥李揆曰成王長且有功朕欲立為太子卿意如何揆再拜賀曰此社稷之福臣不勝大慶上意始決

**質實**

興州名注見晉懷帝永嘉四年畧陽

李揆隴西人從容注見秦二世二年

### 崔圓李麟罷以王璵同平章事

上頗好鬼神璵專依鬼神以求媚每議禮儀多雜以巫祝俚俗上悅之

### 贈顏杲卿太子太保謚曰忠節

杲卿之死也楊國忠用張通幽之譖竟無褒贈顏真卿為御史大夫泣訴於上上為之言於上皇杖殺通幽而贈杲卿杲卿子杲明為史思明所虜得歸求其父尸於東京得之遂并表履諫尸棺斂以歸杲卿姊

妹女及泉明之子皆流落河北泉明號泣求訪哀感路人久乃得之詣親故乞索贖之先姑姊妹而後其子遇父時將吏妻子流落者皆與之歸凡五十餘家均減資糧一如親戚真卿悉加贍給隨其所適而資送之素履謙妻疑履謙衣衾斂薄發棺視之與杲卿無異乃始慙服

## 書法

前書追諡死節之士矣雖張許不列也此則曷為詳之讖前代之聞也死節如杲卿歷世而後得以白則閭已甚矣終綱目書贈官十二詳晉明帝太寧二年而書諡曰某者三顏杲卿忠節段秀實忠烈顏真卿文忠皆死節者也顏氏兄弟居其二焉

## 六月立太一壇

從王璵之請也上嘗不豫卜云山川為祟璵請遣中使與女巫乘驛分禱所過煩擾黃州有巫盛年美色



欽定四庫全書

新刊資治通鑑綱目  
卷四十四下

三

從無賴少年數十為蠹尤甚刺史左震悉收斬之籍其贓數十萬具以狀聞請以其贓代貧民租遣中使還京上無質實黃州注見晉懷帝永嘉元年黃國以罪也

初行新歷

山人韓穎所造也

貶房琯為幽州刺史

琯既失職頗怏怏多稱疾不朝而賓客朝夕盈門上惡而貶之質實幽州注見漢桓

怏注見漢光武建武二年

史思明反殺范陽副使烏承恩

李光弼以史思明終當叛亂而烏承恩為思明所親信陰使圖之又勸上以承恩為范陽節度副使賜阿史那承慶鐵券令共圖思明上從之承恩多以私財募部曲又數衣婦人服詣諸將說誘之思明聞而疑之會承恩入京師上使內侍李思敬與俱宣慰范陽謀泄思明執承恩索其裝囊得鐵券及光弼牒思明乃集將佐吏民西向大哭曰臣以十三萬眾降朝廷何負陛下而欲殺臣遂殺承恩及其黨二百人囚思敬表言之上遣中使慰諭思明曰此非朝廷與光弼之意皆承恩所為殺之甚善思明表求誅光弼命耿仁智張不矜為表云陛下不為臣誅光弼臣當自引兵就太原誅之不矜以示思明及將入函仁智削去之思明聞之命執二人斬之仁智事思明久思明憐欲活之仁智大呼言曰人生會有一死得盡忠義死之善者也今從大夫反不過延歲月豈若速死之愈乎思明怒極殺之范氏曰匹夫一為不信猶不可自

欽定四庫全書

御批資治通鑑綱目  
卷四十四下

三十九

立於鄉黨況人主而為不信天下具誰從之肅宗既  
納思明加以爵命思明未有逆亂之節也李光弼為  
國元帥職在禦侮知其終叛言於君而備之可也待  
其發而誅之可也乃使傳詔之臣為盜賊之計不亦  
辱王命乎事捷則反側之人誰不懷懼不捷適足長  
亂非所以弭亂也既失信於已降之虜又歸罪於死  
事之臣欲以服姦集覽鐵券注見中宗實實部曲注  
雄之心豈不難哉集覽鐵券注見中宗實實部曲注  
元年 帝天嘉

秋七月初鑄大錢

鑄當十大錢文曰乾元重寶  
從御史中丞第五琦之謀也

冊回紇英武可汗以寧國公主歸之

冊命回紇可汗曰英武威遠毘伽闕可汗以上幼女  
寧國公主妻之以漢中王瑤為冊禮使右司郎中李  
巽副之上送至咸陽公主辭訣曰國家事重死且無  
恨上流涕而還瑤等至回紇牙帳可汗衣赭袍坐帳  
中引瑤等立帳外瑤不拜可汗曰我與天可汗兩國  
之君君臣有禮何得不拜瑤對曰天子以可汗有功  
自以所生女妻可汗恩禮至重可汗柰何以子婿傲  
婦翁坐榻上受冊命邪可汗改容起受冊明日立公  
主為可敦舉國皆喜遣

### 集覽

可敦猶言皇后也可克  
盍反突厥之俗亦號其

妻為可  
賀敦

### 質實

可汗夷狄君長之號注見漢後主景耀  
四年寧國按一統志本三國吳之縣名

漢為宛陵縣地晉屬宣城郡隋省入宣城縣唐初復  
置寧國縣屬宣州尋罷天寶中復置宋元俱仍舊

本朝因之改屬寧國府牙帳注  
見至宗開元八年李揆贊皇人

發明

回統有功於唐故書以寧國公主歸之歸之者易辭也異乎其他結昏夷狄者矣

郭子儀李光弼入朝八月以子儀為中書令光弼為侍中○命郭子儀等九節度討安慶緒以宦官魚朝恩為觀軍容使

安慶緒之初至鄴也猶據七郡兵糧豐備專以繕臺沼酣飲為事高尚張通儒等爭權不協無復綱紀蔡希德有才畧好直言通儒譖而殺之諸將怨怒不為用上命朔方郭子儀及淮西魯炆興平李奭滑濮許叔冀鎮西北庭李嗣業鄭蔡季廣琛河南崔光遠七節度使討之又命河東李光弼澤潞王思禮二節度使將所部兵助之上以子儀光弼皆元勳難相統屬故不置元帥但以宦官魚朝恩為觀軍容宣慰處置

使觀軍容之名自此始范氏曰夙沙衛殷齊師殖綽  
郭最曰子殿國師齊之辱也以諸侯之師閹人殿之  
猶以為辱况天子之師使宦者為之主是辱天下之  
衆也且慶緒窮虜郭李不世出之將也使朝恩節制  
之猶不免於敗則庸人可知矣肅宗初復兩京舉六  
十萬衆棄之其不亡亦幸哉胡氏曰軍置元帥則令  
出於一不然必敗古事盡然肅宗以李郭難相統屬  
者俱召入朝面授旨意使以相下濟務為先光弼本  
子儀偏裨必相推奉九節度之師成功決矣不然俾  
二公分統殊方而進亦其次也而必使宦人宣慰處  
置夫何**集覽**夙沙衛殷齊師殖綽郭最曰子殿國師  
意乎齊之辱也夙沙衛齊靈公閹人也殖綽  
郭最皆齊靈公勇士殿都練反軍居後也左傳襄十  
八年晉伐齊齊師遁夙沙衛殿殖綽郭最曰子殿國  
師齊之辱也子姑先乎乃代之殿晉州綽及之射殖  
綽中肩縛之其右具丙縛郭最皆衿甲面縛坐于中

軍之鼓下顏師古曰亦謂之斷後此兵家之最難我  
兵既敗敵人來追我在後拒之非有勇者不能也閻  
人注見漢靈帝質實綱紀注見宋文帝元嘉元年淮  
光初元年閻尹質實西軍名注見憲宗元和十年興  
平軍名注見楚義帝元年廢丘滑濮軍名滑注見隋  
恭帝皇泰二年滑州濮注見周安王五年濮陽鄴縣  
名注見漢獻帝建安十五年鄭蔡軍名鄭注見梁武  
帝普通二年鄭城蔡注見漢光武建武十九年汝南  
河南郡名注見秦莊襄王元年三川澤潞軍名澤注  
見梁武帝中大通六年建州潞注見周赧王五十三年上  
黨

書法

於是始命為觀軍容宣慰處置使矣不書宣慰處置何削之也上以郭李皆勲臣難相統

屬故命朝恩為使臨之名曰處置使是專行謀矣郭李不可以相統宦官乃可以統郭李乎是故唐

世宦者例不書宦者而於此獨書之所以病肅宗也然則如之何綱目有以處此矣等光弼於諸節度而獨揭子儀之名於其上固以子儀為可以統光弼也其旨深矣唐世宦者綱目書宦官者三魚朝恩呂大一對

克明

皆非常也

發明

以九節度之衆而以一宦官臨之不亦辱乎相州之敗其原蓋在於此矣故特揭而書之

以著其失

# 冬十月郭子儀等拔衛州遂圍鄴城

子儀引兵濟河東至獲嘉破安太清太清走保衛州子儀進圍之是廣環光遠嗣業兵皆會於衛州慶緒悉舉鄴中之衆七萬救衛州子儀使善射者三千人伏於壘垣之內令曰我退賊必逐我汝乃登壘鼓譟



而射之既而與慶緒戰偽退賊逐之至壘下伏兵起射之賊還走于儀復引兵逐之慶緒大敗遂拔衛州慶緒走于儀等追之至鄴慶緒入城固守子儀等圍之光弼等兵皆至慶緒窘急遣薛嵩求救於史思明且請以質實獲嘉縣名注見隋恭帝皇泰二年衛州注見秦王政六年朝歌

河南節度使崔光遠拔魏州史思明復陷之

光遠拔魏州史思明引兵大下光遠使將軍李處盎拒之連戰不利還趣城賊追至城下揚言曰處盎召我來何為不出光遠信之斬處盎處盎驍將眾所恃也既死眾無聞志光遠脫身走還汴州思明陷魏州所殺三集覽李處盎姓名也質實汴州注見周顯王萬餘人集覽蓋音宜金反

州注見漢成帝綏和二年魏郡

# 以侯希逸為平盧節度副使

平盧節度使王玄志卒上遣中使往撫慰將士因就  
察軍中所欲立者授以旌節高麗人李懷玉為裨將  
殺玄志之子推侯希逸為軍使朝廷因以希逸為節  
度副使節度使由軍士廢立自此始司馬公曰民生  
有欲無主乃亂故聖人制禮以治之所以辨上下定  
民志也凡人君所以能有其臣民者八柄存乎已也  
苟或捨之則彼此勢均何以使其下哉肅宗遭唐中  
衰幸而復國宜正上下之禮以綱紀四方而偷取一  
時之安不思永久之患委一介之使徇行伍之情無  
問賢愚惟其所欲積習為常謂之姑息乃至偏裨殺  
逐主帥亦不治罪因而授之然則爵賞廢置殺生與  
奪皆不出於上而出於下亂之生也庸有極乎古者  
治軍必本於禮今唐蔑之使士卒得以陵偏裨偏裨  
得以陵將帥則將帥陵天子自然之勢也由是禍亂

繼起民墜塗炭凡二百餘年大宋受命太祖始制軍  
法使以階級相承小有違犯咸伏斧質是以上下有  
叙令行禁止四征不庭無**集覽**八柄注見漢順帝陽  
思不服豈非貽謀之遠哉**嘉**三年一介注見漢

桓帝延熹四年姑息姑荀息安也記檀弓注言荀容  
取安也伏斧質注見秦二世二年不庭注見漢獻帝

興平貨實高麗東胡國名注見漢  
武帝元封二年朝鮮

度使由軍士廢立始此故謹志之自是楚  
殺刺史河東殺節度行營殺都統不可勝

笑

御批資治通鑑綱目卷四十四下